



特 別
^18
4892
29



~18
4892
29

明詩綜卷九十



小長蘆 朱彝尊 錄

玉峰 徐炯 緝評



梵琦 三十首

梵琦字楚石小字曇曜象山人居海鹽天寧寺
明初徵至京建法會賜座第一有北游鳳山西

齋三集 錢受之云誦西齋詩如游珠網瓊林金沙玉沼問

靜志居詩話楚石僧中龍象筆有慧刀淨土詩累百可以無譏和寒山拾得豐干韻亦屬游戲讀其北游一集風土物候畢寫無遺志在新奇初無定則假令唐代緇流見之猶當瞠乎退舍矧癩可瘦權輩乎愚菴智及輓章云麻鞋直上黃金殿鐵錫時敲白下門誦之足以豪矣當日孝陵所賜袈裟及鉢至今尚存海鹽天寧寺中即上人所築西齋也

擬陶

明詩綜卷九十

新蟬何處來鳴我高槐陰流水欲入屋好風自開襟牀
頭一束書壁上三尺琴琴以散哀樂書以通古今所幸
車馬稀非邀里人欽虛名如北斗有酒不能斟縱洗爰
居耳寧知鐘鼓音

西津

月滿潮來盛天空野望低樹侵吳甸北帆入楚江西俊
鶻秋方下慈烏曉更啼即看霜露及風景已淒淒

贈江南故人

煮茗羹羊酪看山駐馬樞地椒真小艸芭纜有奇花塞
月宵沉海邊風晝起沙登高望吳越極目是雲霞

上都

四首

突厥逢唐盛完顏與宋鄰君王饒戰略公主再和親異
域車書會中天雨露均皇朝真一統御曆正三辰
塞外疑無地人間別有天宮墻倚樹直御榻愛花偏正
想爐熏滿遙知漏點傳輪臺方奉詔版築更求賢
夜斗低垂地秋河近著城有灰開月暈無扇減風聲角
奏梅花早杯傳竹葉清尚衣綿欲折高殿雪初晴
萬國初無外諸羌更在西閣門朝見雪亭障晚開鞞天
子黃龍府將軍白馬氏錦袍涼似水銀甕醉如泥

開平書事

六首

射虎南山下看羊北海邊築城侵地斷居室與天連墨
黑沾衣雨沙黃種黍田自從爲帝里無復少人煙

地勢斜臨北河流穩向東龍庭行萬里虎路遶三峻羌
女裁皮服奚兒挽角弓長吟對落景獨坐感飛蓬
舊俗便弓馬新霜稱綺羅平原芳艸歇古戍暮雲多翠
袖調鸚鵡金鞭制駱駝上樓看月得無酒奈君何
北海何人到西天此路通尋經舍衛國避暑醴泉宮盛
夏不揮扇平時常起風遙瞻仙仗簇復有綵雲籠
夜雪沙陀部春風勅勒川生涯惟釀黍樂事在彈弦不
用臨城將何須負郭田雙鵬來海外一箭落天邊
孤城橫落日一望暗銷魂天大纖雲卷風多積艸翻有
田稀種粟無樹強名村土屋難安寢飛沙夜擊門

漠北懷古 十首

世祖起沙漠臨軒銷甲兵羌中一片地秦後幾長城象
膽隨時轉駝蹄入夜明何須待秋獵不必問春耕
曠野多遺骨前朝數用兵烽連都護府柵遶可敦城健
鶻雲間落妖狐塞下鳴却因班定遠牽動故鄉情
北向無城郭遙遙接大荒舊來聞漢土前去是河隍野
蒜根含水沙蔥葉負霜何人鳴感策使我涕霑裳
無樹可黃落有臺如白登三冬掘野鼠萬騎上河冰土
厚不爲井民淳猶結繩令人思太古極目眇平陵
吾聞窮髮北此地即天涯夏有九河凍春無三月花清
涼非枕簟富貴是雲沙愛爾捐居室長年到處家
曠望重關外蕭條萬里餘未嘗營粒食終不好樓居謬

甚英雄事茫然艸昧初大人饒畜牧隨分有穹廬
漢使騎高馬唐兵出近關前臨蒲類海却上浚稽山帝
號垂千古軍聲蓋百蠻初無功可紀只有劔須殷
每厭冰霜苦長尋水艸居控弦隨地獵剗木近河漁馬
酒茶相似駝裘錦不如健兒雙眼碧慣讀左行書
北入窮荒野人如曠古時天山新有作耶律晚能詩地
坼河流大峰高月上遲自言羊可種不信繭成絲
遠客停驂處平沙落日時塞蓬穿土早河柳得春遲欲
乳羊求母頻嘶馬顧兒朔方多雨雪南望是京師

烏桓

烏桓第一州白雪亂三秋不盡邊雲起無情塞水流
兔銛蒙氏筆狐潔檜君裘自笑成癡坐何期作遠遊

黑谷

北去終無極南還未有期猶嫌江路遠不與土風宜
晚翠看盧橘春香憶楚葵茲山吾可老飲水噉棠梨

當山即事

水草頻移徙烹庖稱有無肉多惟飼犬人少只防狐
白毳千縑氎清尊一味酥豪家足羊馬不羨水田租

曉過西湖

船上見月如可呼愛之且復留斯須青山倒影水連郭
白藕作花香滿湖仙林寺遠鐘已動靈隱塔高燈欲無
西風吹人不得寐坐聽魚蟹翻菰蒲

贈王使君

君持使節過繩橋已遣蠻方感聖朝良將未誇班定遠
大臣猶數蓋寬饒川香野馬銜青艸雪暗天鵝避阜鵬
西出陽關九千里歸來莫惜鬢蕭蕭

燕京 二首

高昌王子出京師手把春風軟柳枝贈與臨洮遠行客
雲沙漠漠見何時

西山水落甕山浮無數人煙簇上頭好種荷花三十頃
中間更著采蓮舟

宗泐 三十七首

宗泐字季潭臨海人洪武初舉高行沙門居首

命住天界寺尋往西域求遺經還授左善世有

全室集

徐大章云季潭學博才瓌詩不論於枯寂在江湖則其言
蕭散悠遠適行住坐臥之情在山林則其言幽曠簡澹得
風泉雲月之趣在殊方異域則其言慨而不激直而不肆極山川之險
易風俗之嫩惡其詩眾體具矣 朱伯賢云泐公識地高邁調趣清古
風度悠揚昂然若霜晨老鶴聲聞九皋澹乎若清廟朱絃曲終三歎
王達善云潭公詩章渾涵汪洋千彙萬狀而一以理為主 顧玄言云
泐公博遠古雅詩從陶韋
乘中來當代弘秀之宗也

詩話洪武十四年六月開設僧錄司掌天下釋教事曰善世曰闡教曰
講經曰覺義左右各一員府設僧綱司都綱有副州設僧正司僧正縣
設僧會司僧會明年四月以戒資為左善世宗泐為右善世智輝為左
闡教仲義為右闡教玘太朴為左講經守仁為右講經來復為左覺義
宗泐為右覺義先是九年春孝陵幸天界泐公住持斯寺賞其識儒書
知禮義命畜鬚髮長數寸矣欲授以官固辭帝親作免官說時宋學
士景濂好佛帝目為宋和尚泐公好儒帝呼以泐秀才嘗奉詔製讚佛
樂章帝嘉歎賜和平日所作詩晚奉旨佚老歸鳳陽之槎峰帝降書曰
寂寞觀明月逍遙對白雲汝其往哉其後僧智聰坐胡惟庸黨詞連泐
及來復謂泐西域取經惟庸令說土番舉兵為外應有司奏當大辟詔
免死孝陵御領清教錄僧徒坐胡黨者六十四人咸服上刑惟泐得宥
蓋受主知者深矣止菴讀其西游集賦詩云一字一寸珠一言一尺玉

其推重

若此

襟詩 三首

我自來涇川星歲已再周託茲山水勝謂可成遲留奈
何物外牽撫事心悠悠久知世道惡奚事仍夸猶璫林
有奇鶴未嘗識羅浮翩然覓靈鳳接翅崑崙丘
夜久無與適塊然坐空堂白鳥一何多營營來我傍靜
言聊假寐遂以襲單裳嗜膚猶可忍聒耳諒難當晨星
耀東廡明月墮西廂念爾能幾何滅跡於朝陽
落葉委通衢紛然無人掃但覩新行迹不見舊時道古
木倚道旁亂藤絡其杪歲暮雖青青終非本容好世人
懷往途悟此苦不早振衣無後期來從漢陰老

送裕上人歸天台

我家赤城東不識華頂嶠遠道送君歸昨夜夢中到岸
泓有泉瓢竹室留茶竈珍重山中人拂衣願同調

冬夜憶清遠道初二兄

夜深霜氣寒窗月皎如燭鳴鴻尚遐征孤鶴亦驚宿念
我平生親悵焉運心曲四明是何處苕溪如在目異方
詎能通遠道何由縮十年無一字嗣音如金玉白髮漸
欺人晤言安可卜

辛亥新歲程處士見過常熟別墅臨別賦詩

獻歲春未迴風雨連十日荒村少朋驩窮巷絕人跡程
君汎扁舟茅齋破幽寂遠來見真情疑言忘永夕顧惟

艱難際出處各有役世紛日相纏誰能念疇昔因君尚
道誼臨別增太息獨棹去茫茫空瞻海虞碧

暮過賞溪

日暮衆鳥歸孤雲亦還山市人爭渡息小舟沙際閑我
屋西峰下半出青林間鐘聲連深念無爲尚塵寰

答夏景瞻

昔居賞溪曲誅迫靡所侵衲衣挂石壁燕坐長松陰子
來慰幽寂語合相知深孤雲十年別明月千里心而我
亦何事投迹此禪林向來結茅地回首空青岑寧知江
海遠遇子復在今百挫志矯矯猶能發狂吟清辭入古
調一鼓熏風琴吁嗟衆響作過耳無留音

出峽圖

瞿塘水如馬五月不可下兩舟何處來披圖一驚詫前
行稍趨平勢若閒暇者後來方履險衆篙不停把巖迴
古木披峽束哀湍瀉嗟爾駕舟人安危在擦舍

雨花臺送客

梁日雨花臺近在城南陌不見講經人空林澹秋色登
高俯大江目送千里客白鳥下滄波孤帆遠山碧

焦山寺鑑師臨江軒

一峰如鉅石屹立江水中寶刹蔚崇構勢與山爭雄若
人於此住超然塵外蹤開軒當水面下瞰馮夷宮魚龍
近几席波濤蕩襟曾有時天宇淨倒影清若空燕坐觀

明詩總集卷之十一
衆有起滅殊無窮一念寂不動嗒焉心境融焦先邈千載遺丹射林紅浩歌倚闌夕明月生海東

送瑄上人

揚舲下大江江寒欲飛雪高帆天際遙獨鴈雲邊沒煙波渺何之倏忽成楚越遂令白首人年華感消歇

不羈行贈吳客

倜儻不偶世落魄江海游雖來京國久不謁公與侯仙人五城高彩雲十二樓天街看明月一身風露秋翩然下楊子棹歌發吳謳太湖三萬頃鳧鴈中沉浮且作拍浪兒赤脚坐船頭笑指闔閭墓千古成荒丘

墨竹行

平生不識雲心子墨妙通神有如此眼中何處修竹林湘水邊頭煙雨裏長林蔽虧天爲陰鷓鴣啼斷江沉沉六月南風晝不熱人家住在叢篁深九疑山帶蒼梧野翩翩帝子雲中下鳳鸞飛舞虬龍驤羽葆毳毳堪把我昔曾行賞溪曲兩岸波光漾寒綠萬玉森森一徑遙溪口清陰到山麓今朝看圖政自憐畫圖身世俱茫然雲心骨化丹陽土吁嗟墨妙何人傳

短歌寄魏仲遠

夏蓋湖吞上虞浦魏君家在湖邊住岸花磴艸幾春秋白鳥滄波自朝暮知君愛客仍好奇画船載酒如漢陂擢歌中流日將夕璧月湧出青琉璃嗟哉隱居端有道

世上無如閒處好王充遺蹟尚可尋賀老風流良不少
去年聽詔來京國識君臉紅頭半白別懷空與水東流
海燕江鴻斷消息今朝聞有東州船尺書欲寄心茫然
福源精舍地最偏安得與君湖上相周旋

賦一曲亭送趙本初待制致仕歸越

鑑湖一曲亭猶在風物千年長不改賀公去後趙公來
山水無情若相待當時季真得賜歸黃冠未必全忘機
爭侶今朝玉堂老還鄉仍著宮錦衣鑑湖水闊吞平野
酒船直到亭階下荷華晚日照尊壘楊柳春風拂簷瓦

題天童萬松園

小白市太白峰二十里松居其中一徑陰陰翠羽蓋羊

空轟轟蒼髯龍太白之峰分九隴壯哉千古之佛宮香
雲不動梵唄合樓閣倒影清池空左菴昔年此說法山
谷答響撞鉅鐘只今九重城裏住夢魂夜夜鄞江東錢
塘有客曰王蒙爲君寫此千萬松座間慄慄起陰霧屋
底颼颼生清風何來禪子松下度長衫大笠攜一筇亦
有緇徒三四公青林路口衣裳紅我初展卷欲大叫海
上湧出高巖從雲端縹緲下玉童有路似與天相通自
憐平生不一到吁嗟老矣將焉從還君此圖袖手坐有
目只送南飛鴻

聽泉軒爲藏無盡作

若人有耳唯聽泉泉聲入耳長涓涓穿林出澗度妙曲

萬古不斷冰絲弦此聲不來耳不往中自寂然遺外響
青燈照壁夜沉沉獨倚軒窗月東上

送瀾法師歸雲門

故山從此去何日更相逢獨倚千峰閣閒聽六寺鐘石
牀流水繞蘿逕落花封會有東歸興來尋雲外蹤

故涇縣徐典史挽歌

白髮神仙吏黃塵八十齡竟同華表鶴俄失老人星甕
盡牀頭酒埃生案上經今朝來哭處墓艸未全青

與徐伯廉再往南陵

又向南陵去復攜良友同人煙千嶂裏客路百花中雉
雉初晴日鷺啼滿樹風漸知精舍近清磬出林東

登多景樓

水際一峰出飛樓倚泐寥煙雲連北土風物見南朝山
勢臨淮盡江聲入海消偶來閒眺客憑檻興偏饒

送王叔潤

平涼來又去官滿復之官塞晚黃雲合邊秋白草寒有
儲諸將喜無訟遠人安萬里關山月吟詩獨自看

登相國寺樓

冬日大梁城郊原四望平雲開太行碧霜落蔡河清欲
問征西路兼懷弔古情夷門名尚在無處覓侯嬴

發扶風

曉發扶風縣雲低欲雪時長河王莽寺獨樹馬超祠營

窟炊煙早牛車度坂遲非熊無復夢渭水自逶迤

過鳳翔

驅車過鳳翔驛路入汧陽地接戎羌遠山連蜀隴長平岡秋樹綠重谷晚風涼明日關山道登高望帝鄉

到河州

自發烏思國於今數月過雪中臨黑水冰上渡黃河裘覺青貂澈經煩白馬馱玉關生得入定遠喜偏多

和徐大章登南天竺山樓韻

徐君爲愛南竺幽登此塢口之飛樓鄉山數點海東際客路十年湖上頭澗泉脩脩落靜夜風葉淅淅吹高秋便當倚檻和新作為報主人須少留

錢塘懷古

欲識錢塘王氣徂紫宸宮殿入青蕪朔方鐵騎飛天塹師相樓船宿裏湖白鴈不知南國破青山還傍海門孤百年又見城池改多少英雄屈壯圖

偶作一首

新作方池水未平晚晴獨自繞池行好花都向雨中盡幽鳥忽來林外鳴科斗黑時初種藕鴨頭綠處欲生萍匡山舊業閒料理更結茅亭此計成

偶作次王以中韻

拄笏高人塘外居作詩直與古人如偶從荷芰香邊得閒向篔簹節上書白露濕堦涼氣早青燈照壁雨聲疎

曉來不署金吾事帶劔承明去直廬

湘皋煙雨圖

翠袖湘江曲秋林淚點斑冥冥煙雨裏不見九疑山

次白以中西塘即景

落日雞鳴埭何人射雉回北湖山月上相送暮鐘來

山中小景

四山一片秋色埜客獨坐茅亭渡頭紅葉如雨石上長

松自青

送人歸南昌

紅顏綠髮映春袍三十年前白下橋亂後重逢天竺寺
相看如夢說前朝

秋塘小景

西風昨夜到南塘楊柳蒹葭色轉蒼飛鳥獨來荷柄立
不教涼露滿蓮房

觀吾子行別仇山村詩作絕句弔之

子行詩云劉伶一鍤事徒然胡蝶飛來別

有天欲語太玄何處問西冷西畔斷橋邊

吹簫人去竹房空海內猶憐翰墨工最是西冷橋畔路
淡煙疎柳夕陽中

來復九首

來復字見心自號竺曇叟豐城人元季航海至
鄞止定水寺洪武初召至京太祖覽其詩褒美
賜金襴袈裟授僧錄司左覺義詔住鳳陽圓通

院坐胡黨凌遲死有蒲菴澹游二集

顧玄言云復公富於題咏并多

感慨所乏幽淨 錢受之云野史載見心應制詩有殊域字觸上怒賜死遂立化於塔下田汝成西湖志餘則云逮其師訖笑隱旋釋之見心應制詩載皇明雅頌初無觸怒之事而笑隱為全室之師入滅於至正四年俗語流傳可為一笑也 詩話蒲菴與全室齊名然不及全室遠甚 蓋全室風骨成削而蒲菴未免癡肥也

胡侍郎所藏會稽王冕梅花圖

會稽王冕雙頰顴愛梅自號梅花仙豪來寫遍羅浮雪
千樹脫巾大叫成花顛有時百金閑買東山屐有時一
壺獨酌西湖船暮校梅花譜朝誦梅花篇水邊籬落見
孤韻恍然悟得華光禪我昔識公蓬萊古城下臥雲艸
閣秋瀟灑短衣迎客嬾梳頭只把梅花索高價不數楊
補之每評湯叔雅筆精妙奪造化神坐使良工盡驚詫

平生放蕩禮法疎開口每欲談孫吳一日騎牛入燕市
嗔目怪殺黃髯胡地老天荒公已死留得清名傳画史
南宮侍郎鐵石腸愛公梅花入骨髓示我萬玉圖繁花
爛無比香度禹陵風影落鏡湖水開圖看花良可吁咸
平樹老無遺株詩魂有些招不返高風誰起孤山逋

赤壁圖為胡允中賦

江空水落寒無波倚天赤壁高嵯峨雪堂老蘇從二客
攜酒夜載扁舟過中流扣舷發櫂歌有酒不飲當如何
鱖魚三尺鱠白雪臨風細酌金叵羅酒酣耳熱歌再起
直遡空明三百里一聲孤鶴橫江來明月在天天在水
酌月呼嫦娥仰天聽天語洞簫吹徹廣寒秋却挾飛仙

共高舉人生行樂須及時昨日少壯今日衰功名自昔
等炊黍英雄徒爲曹瞞悲畫史獨何心丹青託千載江
雲山月想登臨彷彿圖中見風采後來游賞豈乏賢文
章不如元祐前萬金詞賦爛星斗追逐騷雅光聯翩先
生別去陵谷遷漠漠宇宙迷荒煙臨臯鶴夢骨可仙誰
同此樂消閑年

游石湖蘭若

二首

荷花蕩西湖水深上有蘭若當高岑客吟時見鴝鳥下
僧定不聞鐘磬音雨香秋林橘子熟雲落空磴棠梨陰
閒來掃石坐竹裏靜與山人論素心

五龍之峰雲作屏雙崖削出芙蓉青何人磴裏拾瑤艸
有客松間尋茯苓林風不驚虎臥石山雨忽來龍聽經
吳王臺榭今寂寞秋香薜荔花冥冥

次韻王敏文待制燕京雜詠

南風吹到運糧船萬斛香粳倍上年傳敕漕臺添氣力
賜金多辦太平筵
鴨綠微生太液波芙蓉楊柳受風多日長供奉傳新譜
教舞天魔隊子歌
秋滿龍沙艸已霜射鵬風急朔雲長內宮連日無宣喚
獵取黃羊進尚方

西湖禱詩

二首

芙蓉灣口綠陰斜吹笛何人隔彩霞驚起沙頭雙翠羽

銜魚飛上刺桐花

流觴亭子鳳山阿都護行春小隊過笑擲金錢花底醉
玉簪彈出白翎歌

守仁 二十八首

守仁字一初號夢觀富陽人四明延慶寺僧住
持靈隱洪武中徵授僧錄司右講經升右善世
有夢觀集

詩話明初詩僧有二南洲一温州人名文藻一山陰人名博洽有二無
言一越人名明德一不知何許人名至訥夢觀道人亦有二一晉江人
名大圭一富陽人名守仁石倉曹氏乃誤合為一仁公詩諸體皆合有
云盡拋身外無窮事遍讀人間未見書可謂有志者也相傳南粵貢
翠仁公進詩云見說炎州進翠衣網羅一日遍東西羽毛亦足為身累
那得秋林靜處飛太祖怒曰汝謂我法網密不欲任我耶幾不獲免按
此詩不載集中當出外事者明
會使誠有之必不敢進呈也

待月軒為式藏主作

月出青松林照我松下戶牀前光未滿裴回更延佇蓮
漏下初更綠煙散東塢浩歌步中庭衣露濕如雨

秋夕病中

夕雲斂中天月出萬象正九野聲影消平湖湛寒鏡驚
風著露艸栖螢光不定嘗新感時物金氣颯已應扶羸
捲前幔銷肌怯虛靜憂來復就枕蕭條發孤詠

題錢選畫

太華青蓮高千仞苔壁古招提隔層雲孤逕入深塢鐘
鳴谷口風木落溪上雨何處夜猿啼歸帆下秋浦

弘上人蓄秋山圖

萬峰霜晴翠如洗峰底行雲度流水西北高樓爽氣邊
江南落木秋聲裏蒹葭潮長魚在梁白鷗飛盡天茫茫
松根丈人讀書處時有疎鐘來上方仙槎影沒銀漢遠
木末芙蓉爲誰剪何處涼風送客船歸來似是東曹掾
東曹頗笑未識機挂帆直待鱸魚肥山川搖落已如此
不信艸露沾人衣平生畫手不可遇坐閱新圖得真趣
題詩寄與沃州僧吾亦買山從此去

題方方壺畫

方壺老人年九十醉把金壺傾墨汁染得蓬萊左股青
煙霧空濛樹猶濕危橋過客徐徐行白石下見溪流清
仙家樓館在何處雲中彷彿聞雞聲古苔蒼蒼煙景暮

藥艸春深滿山路招取吹笙兩玉童我欲凌風從此去

題趙希遠畫蟠松玉兔圖子昂趙公鑑記

天水王孫重豪素愛寫蟠根萬年樹上有徂徠五色雲
下有中山雙白兔清陰散作秋滿林咫尺高堂起煙霧
丹桂吹香野菊黃玉葉金枝亂無數迢迢錦水泛蒼鳧
漠漠青天飛雪鷺人間畫手非不多自是王孫得真趣
浮玉山人列仙侶雅與王孫同出處妙畫題來字字真
兵後收藏乃奇遇宣和遺譜世莫傳良岳荒涼風景暮
眼中人事已非前畫裏山川尚如故老我披圖一愴然
落日長歌弔南渡

金山寺

神禹開天塹中流碣石存蓬萊分左股濫瀕失孤根驛
騎催官渡風帆拂寺門甕城燈火近鐘鼓報黃昏

寄鐵厓先生

先生謝客居東里使者傳宣拜下牀樂府謾推梁子範
禮經須問魯高堂酒須捫馬來光祿賦到龍旗說太常
賜老鑑湖猶有待山陰茅屋未淒涼

答倪元鎮

禪榻清談屢有期茶煙想見鬢絲垂春風水榭停蘭槳
夜雨何山寫竹枝甲煎沉香都入夢新蒲細柳總堪悲
鷓鴣飛處重相憶擬和樊川五字詩

過張侯舊宅

畫戟門開宿州新一過此地一沾巾歸來燕子驚新主
開到梨花又暮春雨榻無因連海曲星槎何處泊天津
夢中相見猶平昔翻訝傳來信未真

題耕隱為王子安作

讀殘書卷雨聲稀耕破春雲晚色微瓦缶自傾蒼朮酒
金貂不換綠蓑衣江花未落秧針短隴艸初深繭粟肥
翻笑義熙陶縣令田園荒後始知歸

次韻沈文舉忽見梅花

看梅曾感故園情每到開時別恨生舊樹已從兵後盡
新枝忽見水邊橫夢迴山閣梨雲白月滿江城画角清
欲寄西湖早春信楚天霜冷雁無聲

題画

積雨平原煙樹重翠厓千丈削芙蓉招提更在秋雲外
只許行人聽曉鐘

懷友

湖州青青上客舟辛夷花老麥初秋一春多少懷人夢
半在鄉山雨外樓

題柯博士竹

元統才人總寂寥奎章遺墨尚風標鈞天夢落江南遠
腸斷雲中紫玉簫

風雨歸莊圖

濕雲漲斷隔溪山依約茅堂碧樹間好是鏡湖秋雨裏

陸家莊下載書還

書珉上人壁

五年一度見西崑舊雨來人半不存只有高梧三十本
春風依舊長兒孫

題杜少陵像

關山雲冷笛聲秋一曲南征感舊游滿地月明雙鬢雪
斷腸今夜望鄜州

陳檜

吳楓楚柳逐煙空陳檜依然護梵宮可惜禎明歌舞地
後庭無樹著秋風

蘆子渡

百里晴沙江水長蘆花風起碧天涼客舟會泊西城下
滿地砧聲兩岸霜

萬金一首

萬力一作金字西白吳人元末住持瑞光寺洪武初
召入禁庭奏對稱旨總持法會事住天界寺有

澹泊齋藁

乙巳清明泊舟柳胥浦

柳胥浦上綠楊邊客裏清明繫客船莫遣桃花作紅雨
且看榆火散青煙笙歌漫說承平日耕稼深期大有年
邂逅農人且相慰軍儲無限望吳天

夷簡一首

夷簡字易道號同菴宜興人住持杭州淨慈寺
又主南京天界寺除僧錄左善世

鍾山法會詩

千騎東華玉輦來春官詔許五王陪近臣共說天顏喜
收得杪櫛樹子回

詩話洪武四年冬十有二月詔徵江南高僧十人詣京師命欽天監筮
日就鍾山太平興國禪寺建法會以薦國殤秦屬御製文宣諭天下禁
屠宰明年春正月辛酉味爽帝服皮弁臨奉天殿以表授禮部尚書
陶凱出戶門鼓吹前導至寺用梵法白而焚之癸亥帝播圭面佛初奏
善世之曲再奏昭信之曲三奏延慈之曲舞以應節四奏法喜之曲五
奏禪悅之曲夜半六奏徧應之曲徹豆七奏善成之曲諸樂章皆出宗
泐所撰勅僧寶金施摩伽陀斛法食十高僧者宗泐來復梵琦守仁萬
金清濬曇噩慧日居頂及夷簡也建會之日天雨杪櫛子於山中次日
有詔皇太子諸王同觀故夷簡詩及之清濬字天淵居頂字玄極俱黃
巖人濬徵授右覺義頂亦徵授僧錄司慧日號東溟住天竺山曇噩字
無夢主國清寺噩題華頂云山翠濕衣晴亦雨井華寒齒夏猶冰曹娥
江云去越王城三十里到曹娥渡八分潮詩頗磊落惜無全篇合格者

良琦 三首

良琦字元璞吳人住天平山之龍門又主樵李

興聖寺

楊廉夫云琦公既究禪理兼通儒學能詩其餘技耳

七月既望玉山艸堂分韻得爽字

草堂涼夜延清賞石徑楓林秋颯爽鄰屋不同南北院
稻畦真似東西瀼彈琴石上風生衣載酒船來月蕩漿
青山自與白雲期莫遣移文謝來往

月浦道中

江似三巴曲星隨獨樹斜客行猶轉柁秋盡尚迷家白
漲寒沙霧紅生曙海霞故人驚會面老大惜年華

口占

柳陰新月上銀盤入坐清輝落酒寒莫把閒情聽絡緯
露華已濕玉闌干

法智 一首

法智吳山僧

過安慶弔余忠宣公

浮屠高出暮雲低雉堞遙連碧樹齊茅屋人家兵火後
樓船鼙鼓夕陽西大江千里水東去明月一天烏夜啼
欲酌忠魂荒冢外白楊秋色轉淒迷

詩話余忠宣輓詩方外作者四人非空惠恕祖皦法智惟智詩為佳

廷俊 二首

廷俊字用章號嬾菴鄱陽人

一云樂平人

至正末主西

湖淨慈寺洪武元年示寂於鍾山有泊川集

錢受

之云用章善記覽於前人出處言行雖千百年若指掌尤詳宋事宿儒俱服其博洽葬南屏山危素著塔銘黃潛杜本李孝光張翥周伯琦皆為序其集

送僧歸洞庭

每憶華山寺高居俯洞庭煙中飛鳥白波面亂峰青賈
船朝依岸禪房夜不扃最憐霜後橘金子爛熒熒

有渡

有渡方舟小無家道路長大荒天渺渺滄海日茫茫水
母浮還沒風鴛出復藏不須寒雁叫客意已淒涼

懷渭 二首

懷渭字清遠南昌人洪武初奉詔至鍾山退居

錢塘有竹菴外集

送一初上人遊武林

舞鳳飛龍若箇邊天涯送遠獨淒然江山南渡降王宅
風雨西陵過客船蹋雪馬騰春買樹鬪茶龍井夜分泉
落花寂寞東歸日煙嶼冥冥叫杜鵑

寫扇贈明上人

太湖六月暑氣微龍宮佛屋相因依蜃嘘翠霧作樓閣
鮫織冰綃鳴杼機鍾磬無時空外發笙簫幾處月中歸
投閒擬向上方住共看滄波白鳥飛

克新 三首

克新字仲銘自號江左外史鄱陽人元末住嘉

興水西寺洪武初召至南京奉詔往西域招諭
吐蕃有雪廬南詢橐

初至樵李

通越門中逢故人
爽溪橋上送餘春
燕飛官巷桃花老
鷺囀江亭楊柳新
行李風塵千里道
緼袍天地百年身
未聞淮海休兵甲
回首關山一損神

次韻方推官感興

鴛湖風雨曉吹晴
野曠天高秋氣清
鳳詔早頒南國使
龍旗新動朔方兵
關河千里民初息
吳越三年賦始輕
戮力邦家戡禍難
釣灘何處濯吾纓

西湖景

蘇子隄邊楊柳春
湖中簫鼓畫船新
誰知歌舞繁華地
回首東風戰後塵

自悅

一首

自悅號白雲天台人居餘姚之燭溪洪武初徵
至南京賜歸住杭州靈隱寺

續蘭亭會補任城呂系詩

崇阿撫神秘微風
扇和淳靈雨旣云沐
品彙區以陳蘭茗
擢中沚葩萼媚芳辰
散懷得真契引觴答熙春

福報

一首

福報字復原臨海人住四明智門寺洪武初被
召賜還

續蘭亭會補彭城曹誼詩

柔條扇微風輕波漾晴旭羣彥此委蛇鳴條集中谷列
席依巖隈飛觴隨水曲緬懷古先哲庶以繼遐躅

如阜一首

如阜字物元餘姚明真院僧洪武初徵至南京

卒於天界寺

詩話物元居雪秘山自營精舍宋无逸述其略云吾鄉雪秘山物元上人所營有軒曰入翠曰逍遙有室曰觀樹有蓬曰雪蓬有閣曰怡雲曰西閣西閣之前有隙地植茶曰苦茶原植薇曰紫薇坡曰離卉林曰芭蕉亭閣之右偏有大沼潄山泉而溢實垣下入溝溝廣四尺泉流紺而潔經閣前不絕通溝植蓮有小木梁跨其上曰白蓮港港之前有地可遊息曰琅玕塢塢之左偏有小屋可宴坐曰桐陰舍其流循舍下注石竇以出而潄於垣外曰白鷺池其曲曰鷓鴣灣殿閣池館皆曲盡其妙當元之季隱居之士多治園亭結文酒之社方外自師子林外若阜公者可稱好事矣

續蘭亭會補任城令呂本詩

稷飲秘園湖天氣淑且柔傳觴際曲渚濯纓臨芳洲織
條亂風樹幽葩落晴溝衆賓亦以樂正忘塵世憂

明詩綜卷九十

明詩綜卷九十一

釋子

小長蘆 朱彞尊 錄

長水 胡瑛 緝評

德祥 二十五首

德祥字麟洲號止菴錢塘人洪武中住持徑山

有桐嶼詩集

錢受之云吳之鯨武林梵刹志稱止菴與夢觀同參相與肆力於詩夢觀因南粵進請翠作詩寓調

止菴亦以兩園詩作上幾不免西園詩云新築西園小州堂熱時無處可乘涼池塘六月由來淺林木三年未得長欲淨身心頻掃地愛開窗戶不燒香晚風只有溪南柳又畏蟬聲鬧夕陽不知所謂作上者何語野史流傳不足信也集有句容道中詩云十年三度上京華則洪武中嘗應召又有為王駙馬賦清真軒詩則永樂中尚存也田汝成西湖志云故宋時為僧入元屬念舊國有風雨望月諸詩汝成志稱詳博其疎謬如此

靜志居詩話止菴詩原出東野意主崛奇而能斂才就格足與楚石李潭中併塵拂鼎立桑門蒲菴以下要非其敵姚恭靖祥老州書歌云祥

師只今為巨擘上與閑素爭噴坑錢塘山水甲天下秀氣毓子為靈檀
十年不出筆成冢中山老兔愁難安晴軒小試烏玉玦雙龍隨手掀波
瀾昨將一紙遠寄我天孫機錦千花攢願師勿置鐵門限從他需索來
熱官縉紳相與歎莫及便欲奪去加巾冠然則止菴之艸書更妙絕時
人矣

車碌碌

車碌碌上山遲下山速前車行後車促後車不管前車
覆前車已覆無奈何後車碌碌何其多

芍藥

春去若亡國寸紅不可容一朝兩朝雨三夕五夕風萬
物不一色無以全其功芍藥是何本落在夏庭中

月夕看梅

梅花夜開香滿溪溪上月出風淒淒開門出溪看花去

落花流水無東西枝間月落且歸去明日看花還杖藜

送僧東游

坐罷南山夏東游思浩然與雲秋別寺同月夜行船一
路鐘聲裏千峰落木前西來有祖意不在普通年

九月八日旅中夜懷

秋迳花爭發寒燈客自傷別家將一歲明日又重陽鄉
俗誰同與詩情老未忘涼風舊池沼蕭瑟芰荷香

旅寓

九月尚絺衣故鄉胡不歸塞鴻聲一到江樹葉都飛路
晚逢僧少門寒過客稀自慚蘧伯玉又是一年非

晏起

宿雨何由歇春眠不肯醒燕來猶舊戶花落自空庭引
水平魚沼燒香繞硯屏齋中無別事閑寫幾翻經

秋塘

獨步秋塘上其如客思何蟬聲送風葉鳥影度涼波艸
店三家酒菱船一道歌不堪回首處楊柳夕陽多

小築

日涉東園上余將卜此居艸生橋斷處花落燕來初避
俗何求僻容身不願餘堂成三畝地祇有一車書

剪燭

風處搖金蛹煙時閃墨鴉寸心終不昧雙淚欲橫斜漸
過分詩刻虛開報喜花剪聲初落指滿席散春霞

聽雨有懷

灑樹聲兼雪捎簷力借風每來寒夜後多在客愁中艸
意閑門共燈情白髮同之人天一角的的似高鴻

夜歸寄東田隱士

觸熱嫌尋訪閉門如路窮手持東野集思與何人同候
雨坐欄樹聽蟬得晚風因之過林叟歸步月明中

新秋有懷

得秋才一日秋意已紛紛涼覺水邊早聲先樹裏聞高
僧在西嶺短策不離雲我欲尋行跡恐驚鸞鶴羣

題海雲寺

香刹住中流初疑地若浮路從沙際入帆到樹邊收清

明詩紀卷九十一
三
磬敲漁夜新書報橘秋洞庭西在望欲去更遲留

題鎮海樓

斯樓屢易名一上一傷情白屋多爲戍青山半作城
雨中春樹出風裏晚潮生亦有歸鴉早閑啼四五聲

登富春永安寺

栗葉邨前石子溪青山一掩路渾迷也知谷裏多猿鳥
未信雲中有犬雞滿耳只聞諸澗響回頭方覺衆峰低
平生傾想今朝到願結茅茨在寺西

與姪自京還橫塘故居

桑麻田在水邨中千里歸來共阿戎春水野航天上下
石橋林木岸西東階除點火兒童喜兄弟開門語笑同

二載客塵如夢事明朝溪上看飛鴻

過湖州

平生只想住湖州僻性迂情可自由一片水聲中倚杖
幾重山色裏行舟東林書卷貧猶買西塞綸竿老未收
緩得歸程過寒食杏花村雨聽鳴鳩

喜友過新居

柴門不向小溪開西阜山多稱不才柱杖前村新雨後
故人東郭買舟來山瓢遠慰何多幸竹逕相逢第一迴
從此熟來溪上路莫教行迹有莓苔

古懷

思尋海底人爲乞珊瑚樹持栽此庭前顏色長不故

明言錄卷九十一
四
答香光居士

山北山南住雞聲隔一峰
新詩忽寄到猶勝一相逢
許起宗見過

雨氣來山北茶香過竹西
芙蓉花發處明日約扶藜

橫塘寺

杪羅園裏好僧坊
兵火年來事可傷
白髮老人知舊跡
繞塘樓子十三房

題明辯之画春江聽雨圖

歸來雙鬢各蕭然
見画猶能記昔年
風雨一船曾泊處
借人燈火艸堂前

題網魚圖

溪頭三月雨昏昏
落盡桃花水正渾
網得魚多滿家喜
賣時應不到城門

妙聲

十二首

妙聲字九皋吳縣人居嘗熟慧日寺
洪武初被召蒞天下僧教有東皋錄

雨

密雲起崇朝飛雨灑高閣
蕭瑟傍松檐逶迤帶煙郭
坐來池水深吟罷林花落
已知禾黍秋不奈衣裳薄

送沈行恕

挾策事行邁言往五湖濱
陰風結山岳落葉滿河津
之子忽已遠我懷將焉陳
志士惜白日行客念蕭晨
况茲

明詩紀卷九十一
五
艱難際奪我心所親中情苟不移在遠猶比鄰毋為離
別苦庶以道自珍

水仙詠

百艸秋盡死孤花麗巖阿芳心太皎潔歲事成蹉跎微
月步遙夜輕風生素波懷人豈無意路遠欲如何

題高尚書九江暑雨圖

尚書画山山龍從九江秀色開森聳况當五月暑雨交
雲氣滂勃川光動五峰削出青如蓮綠樹彷彿聞吟猿
猶瞻謝眺青山宅不見米家書画船何人出門面山立
頭上烏紗翠痕濕誰喚山東李謫仙來觀瀑布三千尺
於今戈戟亂如麻使我披圖一永嗟欲買沃洲歸共隱

江山如此屬誰家

新墳行

南山崔嵬青入雲將軍取山新作墳方春迫民就工役
路上白日無行人西家舊墳雙石馬一日驅來華表下
東家翁仲今尚存一朝移來在墓門葬期日薄云最吉
鷄鳴而作夜不息新墳已成舊墳毀舊鬼銜冤新鬼喜
新墳舊墳無了期南山崔嵬終不移

題商德符山水

左山画山延祐初山如何其佳有餘飛泉高挂白蝦蟇
奇峰爛發青芙蓉直疑齊東華不注又似塞北醫無閭
嗟哉好手不復得藏弃貴比英瓊琚

題焦元尚山水

淮陽先生愛畫山下筆萬里須臾間
既開金刹依寥廓亦有綠樹臨潺湲
竹間鳥啼春雨歇洞口花落晴雲閒
知君高志在丘壑著我溪橋相往還

游石湖

近聞移居湖水頭蘭若下瞰滄波流
獼猴夜偷錫杖去鷗鳥日傍闌
干浮揚州月照五湖白洞庭木落三山秋
相望只隔半江水安得贈之雙佩鈎

苦雨懷東臯艸堂寄如仲愚

四月淫雨寒淒迷邊軍夜歸聞鼓鼙
大麥漂流小麥黑富家歎息貧家啼
書囊留滯北山北草堂故在西枝西

焚香掃地蚤閉戶莫遣袈裟沾燕泥

發金陵

大船浮江江水清中流蕩槳駕鵝鳴
楚雲無情自西去吳山不斷來相迎
坐依北斗近人白臥見河漢當空橫
舟中有客且勿語聽我竹枝歌月明

東臯襟興

三高祠西湖水東浦口水與長橋通
人言此中可避世來結茅齋如已公

題畫

目極江南有所思餘不風雨落花時
錢郎應恨春歸盡獨倚東風寫折枝

至仁 二首

至仁字行中自稱熙怡叟番陽人元末住紹興崇報寺洪武初主虎丘寺有澹居橐

詩話澹居橐為饒州路總管府判官皇甫琮廷玉所編僧克新序之嘗撰楚石行狀有云浙水東西被召者十有六人余與西齋琦公夢堂臨公與為則詩雖刊行於至正中而寔登明初之法席者也

吳越兩山亭為尹本中縣尹賦

蕭然大夫新作亭吳山越山相對青天目雲霞耀西浙石帆風雨來東溟王霸英雄何足數句踐夫差兩抔土喜君亂後蘇蒼生白晝彈琴如單父

送厚元載遊會稽

江上楊花落孤帆度遠汀潮連滄海白山擁會稽青內

史籠鵝帖仙人放鶴亭登臨有新製毋惜寄林扃

元澣 二首

元澣字天鏡

一云字天覺

號樸隱會稽人自稱會稽山

樵洪武中召至南京乞歸主靈隱寺羅禍謫戍

陝西有樸園集

重九 二首

舊日重陽節唯尋麩米春忽經時到眼但覺老隨人白髮雖多難黃花不厭貧登高本無意蹤跡媿紅塵故舊俱淪喪人情轉寂寥馳驅逢九日牢落是今朝把菊難為醉囊萸興自消江鄉獨無賴風雨暗蕭蕭

清澹 一首

清楚字蘭江天台人居天界寺晚主松江東禪
寺有望雲集

西湖曉行

海角曛曠日欲生山南山北淡煙橫春風吹斷沙禽夢
人在綠楊堤上行

溥洽

溥洽字南洲山陰人上天竺僧洪武中為僧錄
司右講經歷左善世尋以讓道行居右遭讒左

遷右覺義久之復右善世有雨軒集

錢受之云鄭氏
今言云金川門

開溥洽為建文君薙髮長陵聞其事囚之永樂十六年姚榮靖疾革車
駕臨視問所欲言榮國於榻上叩首曰溥洽繫獄久矣上即日釋之出
獄走大興隆寺拜塔國床下白髮長數寸覆額矣楊文貞瑒銘云三四
十年間鉅緇老衲有文聲者師與衍公為首衍公既進位宮師晚年於

師尤厚將化之前一日太宗皇帝親臨視之問所欲言獨舉師為對不
及其他文貞於洽公繫獄削髮之疑皆沒而不書但云遭讒左遷云
衍公將化獨舉師為對則又繫禁其事使讀者習而問之此所謂不沒
其實史臣記事之體也正統三年廬陵周文襄公忱鳳嶺講寺記云
公當永樂間嘗為同列所問太宗皇帝欲試其戒行幽之於禁衛者十
有餘載其記洽公下獄與文貞瑒銘互相證明其事益有徵矣壬午遜
國之事國史實錄削而不書無可考據觀洽公十載下獄考其所以被
讒之故則金川夜遁之跡於是乎益彰明較著無可疑矣文貞文襄身
事長陵服官史館其所紀載非稗官野史可比鄭氏記遜國事多流聞
失真此其最為可信者詳稽洽公之行履用以參補太孫之本紀不當
以為浮屠一人之始終略而置之也 潘次耕云遜國之事因洽公之
繫獄而疑其開剝猶曰君子可欺以其方也因從亡致身諸錄而行程
歲月一一以虛者實
之難罔以非其道矣
詩話遜國之事國史大略野史過詳終成疑案程濟梁田玉等未必有
其人史仲彬官翰林未必有其事與其惑於從亡致身諸錄無寧信鄭
端簡今言
所述矣

題山深草堂次王適齋韻

聞說平夷堡高居絕徼山牽蘿秋補屋伐竹曉開關款

塞烽煙靜歸田士卒閒都門回首處頻喜寄書還

普莊 一首

普莊字敬中仙居人洪武中被召入天界寺歸

住徑山示寂於撫州

詩話莊公自號呆菴作歌云呆菴呆道人不知世間秋與春無榮無辱無疎親讚亦不喜罵不嗔雖以自訟其於詡也多矣

追和歸源老祖山謠

長林悉凋落刮地霜風吹道人不出山終年無所知一心既空寂萬法將焉依海門明月上冷照枯松枝

至道 一首

至道字物外臨海人住無錫之嵩山寺洪武中

被召尋乞還有夢室集

流翠亭

道人性沉靜置屋層巒間四檐山溜瀉萬壑松濤翻清秋爽氣集落日衆鳥還過客坐來久寂寥誰叩關

如蘭 三首

如蘭字古春富陽人住持天竺寺永樂初召校

鐫經律論三藏有支離集

詩話古春與夢觀同游東維子之門東維子有送二上人歸三竺序其略云余在富春得山中兩生曰蘭曰仁授之以春秋兵興潛於釋然皆用世之才夢觀為孝陵尊禮古春晚出嘗識于忠肅於彌月時亦別古崖之流也

琴清為胡若思教諭作

微颺灑練衣空庭夜寥泚涼葉生露華澄江上新月冲襟澹無營孤桐絃白雪天秋萬籟鳴霜清百泉咽冥鴻

度湘雲威鳳出丹穴至音聽者稀幽思自超越悵然一
長吟烏啼漏聲徹

殊別峰習靜卷

疾雷破山嶽大風揚波濤百川相蕩潏萬竅爭怒號道
人聞自性六窗鎖猿猱喧寂兩忘念月出中林高

曉發

東風卷雨曉雲收兩岸雞聲送客舟柔櫓不驚沙上雁
殘燈猶照驛邊樓天連野水浮空闊斗轉銀河拂地流
遙望吳城何處是青山數點落長洲

懷讓一首

懷讓字不虛天童寺僧

尋竹隱寺

聞鐘識寺遙小徑緣雲入日暮下山歸秋衣不知濕

善學一首

善學號古庭吳人出家大覺寺元末主崑山薦

福明初居光福以寺僧輸賦違期徙贛州行至

馬當山示疾而卒有詩集

毛子晉云古庭長於五言如雲
起猿聲斷松高鶴夢危人疑天

上坐鷗訝鏡中飛垣倒夜奔鹿艸深秋聚蛇殿空
容鳥入樹老引藤纏令元道山見之應解頤也

宿晚村

眺望前村近桑麻路欲迷過田衣拂水緣徑屨沾泥遠
嶠寒煙合空林夕照低村翁留我宿也解說禪栖

自恢二首

自恢字復初一作元南昌人洪武初住廬山

偶成

金沙溪上柳條齊白鳥羣飛落照低十里荷花紅勝錦
好山多在画橋西

題唐子華画山水

江雲如雪樹高低竹裏人家傍水西滿地松陰春雨過
好山青侶若耶溪

無愠一首

無愠字恕中號空室臨海人出家徑山主明州
之靈巖再主台州之瑞巖忽謝事入松巖日本
來聘被召至闕下以老病辭留天界寺尋還鄞

之翠山

松巖襟言

山中十日九日雨樹頭青子落不住白犬尋蹤入艸間
驚起竹雞飛上樹

智圓一首

智圓字鑑中錢塘人住寶幢寺

送僧還四明

遠移瓶錫秣陵城又逐秋風過四明白石清泉尋舊約
碧雲紅樹動離情路從朱雀橋邊去舟自丹陽郭裏行
惆悵客中頻送客更堪疎柳暮蟬聲

大本一首

大本字宅衡會稽僧徑山書記

送徐行正人材之京

鴻鴈來時澤國秋西風潮落大江頭蒹葭楊柳東西岸
楓葉蘆花遠近洲鐘阜煙霞千嶂出蓬萊宮闕五雲浮
丈夫勲業青冥上莫為鄉思易動愁

大圭一首

大圭字恒白晉江人泉州開元寺僧有夢觀集

詩話恒白語法侶云不讀東魯書不知西來意此逃墨歸儒之言也嘗
題山居云山色宜茅屋松風滿節孟湖中泛月云偶臨湖坐得嘉樹欲
傍花行無小船均饒風致

夏日同許氏兄弟遊龜山山有大石下有歐陽詹讀書遺址

閒情素乖俗樂彼中林居林居未云果幽賞意有餘出

鄔多青山佳木亦扶疎並游得良友方駕從所如翠微
薄炎景蘿風汎涼裾雲逕步窈窕石門入清虛少留席
豐艸綠縟綿以舒叢柯翳鳴鳥石澗清游魚形神一蕭
散疲勩亦已祛路緣龜巖東遂即歐陽廬懷賢仰高躅
撫蹟驚廢墟願留石中室畢誦人間書茲焉恐遲暮眷
眷空躊躇

淨圭一首

淨圭住磧里

游仙詩

縹緲仙山五色雲玉真飛佩度氤氳不應名字題仙籍
猶著唐家舊賜裙

德珉 二首

德珉字伯貞號石窗洪熙間虎丘寺僧後居徑

山

秋懷

江潭葉落鴈初飛又見涼風到客衣日下浮雲迷北望
天涯孤棹滯東歸驚看秋艸流年換夢憶青山故舊稀
明日一竿滄海去白鷗應笑未忘機

晚泊東湖有懷姚醉雲

水晚雲陰思渺茫若為孤棹泊橫塘夢回明月人何遠
愁對殘燈夜更長別渚沙寒移宿鴈疎林葉響墮微霜
明朝有約新豐道載酒重過舊草堂

善 啟 一首

善啟字東白號曉菴長洲人主蘇州永定寺尋
主松江延慶寺授僧綱司副都綱預修永樂大
典有江行唱和詩集

詩話曉菴早負詩名錢唐瞿宗吉賦牡丹詩師與對壘用一韻賦百首
獨菴南洲交器重之嘗被召纂修永樂大典書成告歸與上竺完公敬
修此禪理公如珠白蓮車公指南舟中偈和有江行詩一卷王汝玉序
之按大典共二萬二千九百卷疑編纂之不易而敬修詩云昔出當嚴
冬茲還及春暖苦寒不過數月事爾考當日賜鈔者二
千一百六十九人則因編者多宜成書之速矣

十四日歸舟分韻

江黑饒煙嵐咫尺景難了臨發棹還停復恐天未曉
恍然陰翳開日出雲漢表旋吳地匪遙辭闕境云杳客愁
忽若遺吟緒自縈繞坐久望東南斜陽獨歸鳥

大同 二首

大同字妙止會稽人鄞縣延慶寺僧預修永樂

大典

詩話妙止詩格未
高然已脫蔬筍氣

懷友

谷風淒已厲習習吹我襟微煙襲芳樹細雨沾高林雖
有一尊酒對此誰共斟迢遙故人遠矧隔瑤華音安得
駕黃鵠往論古與今緬懷思方續白日苦西沉

江邨夕照圖

江邨水國幽雲樹半含秋落日曬漁網涼風吹客舟香
杭黃早刈碩果熟先收官稅供輸外民歌樂未休

懷瑾 一首

懷瑾字如珪蘇州北禪寺僧又住嘉定保寧寺
為僧綱司都綱預修永樂大典

江行分韻

南徐百里近邦畿水滿春江一棹歸回首金焦在何許
落霞紅處白鷗飛

淨倫 二首

淨倫字大巍昆明人正統中出家天順間叅善
學於浮山晚住錫五臺示寂於京師顯通寺有

竹室集

詩話竹室不以詩名往往饒中晚唐風韻五言如松皮山舍小石子野
溪彎雨苔迷石徑山氣冷龕燈七言如晴墨青山芳沼上冷懸紅日画

樓西半竿落日孤城遠千里分沙一水流到岸舟橫流水曲尋溪路入
落花藤樹頭落子銜松鼠崖畔飛霜叫竹雞原上燒痕初過雨隄邊新
柳未拖泥黃芽恰好三間屋赤米看
收數畝田亦可入李和父弘秀集也

次喬武庫縉金山勝覽韻

妙高臺上昔年遊想徧山中景物幽出洞白雲含海曙
映窗晴雪湛江流好音常聽樹頭鳥相對不飛沙際鷗
西望金陵千古意蔥蔥佳氣帝王州

古佛巖

蒼松蟠古巖洞門鎖幽谷但逢掃葉僧不見銜花鹿

玄穆一首

玄穆淮陽僧

題焦山寺

獅子峰前放晚叅直登絕頂縱幽探帆檣遠近迷蒼靄
樓閣高低鎖翠嵐水色倒涵天上下山形雄壓地東南
焦先去後巖扉古樹老碧桃春正酣

詩話天順中鎮江同知府事常山張春命焦山
寺僧弘慧輯寺中題詠止存宗泐二首及此詩

寶明三首

寶明號月舟吳人治平寺僧

湯君謙云月舟詩能遠塵
宇亦清媚貧而好客客至

則罄資
飲之

次沈陶菴題石田有竹莊韻

東林煙月舊松蘿無復君來對酒歌千葉芭蕉萬竿竹
相思一夜雨聲多

游山舟中作

舟過橫塘酒再沽行厨烹出四腮鱸好山都在西南上
一路推篷看畫圖

戲題

拆了鞦韆院宇空絲絲楊柳自春風薔薇不為人拘束
却過鄰家屋上紅

恩鏤一首

恩鏤字古田號友雲成化間蘇州嘉定護國寺
僧有集

送張逸人

棟子花開香雨晴乍逢還別若為情不知流水將人意
送過南沙第幾程

明秀十首

明秀字雪江自號石門子海鹽人祝髮天寧寺

晚居錢塘勝果山有雪江集

釋冬谿云石門秀禪師以詩名海上游心驚精力追

唐雅鄭少谷孫太白

諸名流多所稱許

詩話王伯安謫龍場驛承雪江送以詩云蠻煙瘦馬經山驛瘴雨寒雞
夢早朝一時傳誦之斯未為警策特以清越勝耳觀其遺集三卷流轉
跌宕不失清江靈一之遺音臨終偈云一夜小床前燈花
雨中結我欲照浮生一笑浮生滅亦彼法中所謂解脫者

田叟贈朱可麓

早起飯牛犢落花春水渾雨中青箬笠溪上白雲村食
力古莘野全生今鹿門不知城府外何處有桃源

汎舟至桐口

路轉青村合山連赤岸斜夕陽飛燕子茆屋落桐花晚

野聞孤笛輕舟閣淺沙前峰望不遠林暝欲棲鴉

送陳墨山還吳淞兼柬胡秋田

五茸城外月不見十年餘顧我曾遊地因君得寄書津
亭然夜火江市鱸魚若見秋田叟還勞問起居

日暮

西閣日將夕川原生暮煙遠林歸倦鳥枯葉抱寒蟬野
岸漁罾外秋風戍壘前故人應念我定有尺書傳

楚江秋曉次石田翁韻

山川搖落露華晞野寺鳴鐘破曙暉千里人煙江郭靜
數聲漁笛水禽飛寒催刀尺風霜早日遠關河信息稀
叢菊又開身在客長沙誰念未成衣

懷孫太白山人

堦前黃葉堆欲滿湖上白雲閑自來千里秋風悲斷鴈
兩峰寒日憶登臺未能明月同移棹想見黃花獨舉杯
吟遍長松千萬樹南屏落日寺門開

勝果山中懷朱陳二翁

西閣暮鐘雲氣陰南山秋色故宮深半巖落日照江雨
萬里長風吹桂林喜見燈花頻入夢病憐物色獨關心
青天兩夜負明月黃葉思君祇自吟

雨中柬金近山

春雨黯黯芳事微經旬獨掩西巖扉花枝欲動寒仍勒
燕子初來濕不飛歲月豈知愁換鬢江山徒有泪沾衣

病夫起坐正憶汝混世隨聲同是非

訪夏雲山

雲山老翁住南村抱病十日不出門留客細傾若下酒
遣懷閒弄剝前孫深林四月筍成竹古屋百年槐露根
鄉曲別來無限意白頭相對意忘言

西巖夏日

密盤春雨中筍味殊勝肉數日不窺園南風吹作竹

普泰 三首

普泰字魯山陝西人住京師興隆寺有棲閑集

何仲默云魯山曠懷磊落善談世務不獨能演其教其詩亦皆自得
錢受之云君謙訪魯山於興隆寺連日夜語不去沈石田為作雪夜談
玄園魯山詩經君謙
選定王濟之為序

詩話魯山初見貴於楊君謙復見稱於
李獻吉詩名籍甚然卑卑無甚高調

秋晴

幾日豆花雨茲晨方見晴寒蟬依樹響秋蘚上階生山
脫雲尤翠沁涵日更明西風催萬戶都作搗衣聲

寄楊君謙

都下聞歸鴈江東憶故人高山千里夢芳艸十年春吟
苦先催老心安却耐貧吳門他日過書院許誰鄰
足獻吉秋風南北路相別寺門前之句

身世本如寄去留俱灑然秋風南北路相別寺門前

永瑛 二首

永瑛字含章號石林海鹽天寧寺僧有石林集

釋冬谿云石林禪餘景與意會朗吟自若其詩意到詞發類多率爾而幽冲暇豫自足陶寫蓋適其適而不適人之適者

山居志感

嘉蔬植我園好鳥巢我樹樹枯鳥驚棲園荒蔬委路寒氣肅山林新芳颯然故物理有固然於何起欣惡

秋浦

白露下蒹葭秋汀尚有花數峰迴晚色一鴈落寒沙菰熟供炊具鱸肥上釣槎月明吹笛去隔水是漁家

文湛四首

文湛字秋江海鹽天寧寺僧有蘆葦亭臺

詩話秋江詩亦清徹可云筆非秋而垂露嘗輯江海羣英集行世者也

送王景仙

碧梧秋晚葉皆稀何事行人又遠違落日天涯千里別西風江上片帆歸山城月出聞猿嘯候館霜清見鴈飛此後定知難會面相思惟有淚沾衣

江上

江頭落日明江上西風起歲歲芙蓉花開落秋江水

綠楊紫燕圖

紫燕雙雙掠水濱綠楊嫋嫋不勝春朱門華屋知多少認得誰家是主人

題畫

渡口漁家對碧峰柴門半掩落花風釣船日暮不歸去只在江南細雨中

明詩綜卷九十一

明詩綜卷九十二

釋子下

小長蘆 朱彝尊 錄

吳下 凌雲鳳 緝評

方澤 六首

方澤字雲望號冬谿嘉善人秀水精嚴寺僧有

冬谿內外集

彭子殷云嘉靖開士以善詩鳴者三人谷泉福玉芝聚西洲念冬谿子與之倡和古體上仿漢魏而律一以初盛唐為準晚乃旁溢稍及於錢劉皇甫諸家然力以繩墨自維語涉纖險輒擯去之猶法吏之慎守三尺嗜古者不以瓦缶雜鼎彝也

靜志居詩話冬谿詩格清純不雜濁語宜為唐應德方思道屠文升所稱

古意

孟冬風始寒鴻鴈凌晨飛疇昔嘉樹林枝葉日以稀一

隨氣運變誰能覺其非賢者貴特達在遠諒不違君看
松柏姿歲晚長依依

柳月樓夕眺遲蔣白灘不至

飄風鳴軒檻落葉辭高柯薄暮登層樓伊余心未和悠
悠遠天雲泛泛清川波去者曾莫留來者奄忽過千秋
旦暮事百歲寧足多但願狎所親歡至相與歌幽人期
不來奈此涼月何

送范菁山丈之雲南大理

北望雲霄迴南征道路長山逢驅象客地入卜雞鄉碧
海常飛霧青林不隕霜聖君勞禦遠非是漢文皇

送王翰林柘湖轉比部還京

滄海有才名青春賦兩京乍辭金馬署復作爽鳩行苑
柳深袍色宮鶯雜珮聲君王前席問應是爲蒼生

寄平野上人

惠朗南歸後空山兩月過青春看已暮白髮近如何雨
外鶯聲遠風前柳絮多遙知清夢裏還繞舊烟蘿

仇生

仇生有父風能畫擅江東縹緲千峰勢噴岬尺素中坐
增吳苑秀不謝輞川工儻寫天台勝添余補衲翁

祖福二首

祖福號谷泉秀水龍淵寺僧後居無錫九龍山

雨宿西閣

浩蕩迷方客人淹江寺隈旅愁添夜雨歲事到寒梅滄
海無家問中峰有夢回燭花爾何事更傷客杯開

人日

鴛鴦湖頭新水生白龍祠前風日晴梅花作意開自好
柏葉向人殊有情南國十年多羽檄北山此日有柴荆
杖藜物色總春事回首江湖眼獨明

正念
一首

正念號西洲秀水龍淵寺僧

燕京春暮寄山中人

鳥鳴不鳴山靜花落未落春遲美人如雲天際芍藥空
留一枝

法聚
二首

法聚號玉芝嘉興人始居海鹽資聖寺後隱武

康天池山有玉芝内外集

吳山秋望呈張侍御

子胥廟前江日晡越王城頭雲有無故宮臺榭幾黃葉
南渡寢園今綠蕪長笛關山瞻北固清尊魚鳥傷西湖
蕭蕭落木蒼郊外幾處寒烟破屋孤

江邨

殘陽在木末遠鳥沒孤嶼漁舟歸未歸吹笛芙蓉渚

圓理
三首

圓理號雲東嘉興人出家天寧寺有雲東集

林居雜言寄同志

芙蓉謝春華鴛鴦念匹儔
崇蘭委深谷杖杜生道周
萬物各有時百川無倒流
感之傷我懷端已義所仇
顧瞻遠行客誰肯結綢繆
請爲林壑交得與爾同游
終歲混樵牧聊以忘世憂

慈雲嶺

仄徑攀蘿轉空山伐木聞
兩崖危石抱衆壑細流分
曉竹含蒼靄春田護白雲
回看萬松裏唯有鹿麋羣

招友人看芙蓉

一水澄於練孤芳錦作叢
故將遲暮景開向寂寥中
夕露垂秋白江霞媚晚紅
薄言方採掇持贈故交同

明周一首

明周號懶雲潞安人居法住寺

錢受之云懶雲除夕詩爲謝茂秦所稱

送人還壺關

林花未吐怯輕寒人在天涯送客還
千里好山迎馬首白雲飛處是壺關

明曠一首

明曠字公朗崇德人住西林寺

秋興

大火倏以逝涼颼動幽林
飛霞騁奇姿孤桐落秋陰
願言縱芳躅擊秀歷遙岑
高視破宇宙曠焉開我襟
靈籟妙徵羽何必筑與琴
感此事媮悅聊復送長吟
之子出

世者俯仰增遐心

戒襄 三首

戒襄字子成號平野海鹽天寧寺僧有平野集

長安壩上河道中

三月臨平山下宿沙棠一舟帆數幅清晨鼓柁看山行
兩岸垂楊春水綠岸上人家挂酒旗幾樹桃花映修竹
路人問我將何之我欲尋師向天目

杜鵑

夜向吳山宿朝從越嶺飛年年春欲暮催客淚沾衣樹
冷悲殘月川長怨落暉花時無限好猶道不如歸

曉過橫塘

半幅蒲帆九里汀石湖秋水接天青舟人指點蘼蕪外
一帶遙山是洞庭

果斌 一首

果斌號半峰嘉靖初住持天界寺有半峰集

顧玄

言云半峰詩多成於中夕沉思苦索而後得之對客
揮毫非所能也正如南能腰石確米已熟但欠篩在
詩話半峰少從顧華玉
游而詩未得其一體

王十岳山房

小隱空山絕四鄰野雲孤鶴自相親誰知一徑深如許
猶有敲門看竹人

宗倫 一首

宗倫字性彞芝溪人有覺隱遺風集

旅懷

東吳隔千里歸計尚茫然忽見梅花發他鄉又一年

德榮 一首

德榮天台僧

題國清寺

竹院深深近翠微短簾容易墜斜暉香殘瓦鼎僧初定
月上松巢鶴未歸落澗祇供煎茗水洩雲留伴坐禪衣
客游正值春將半風落桃花片片飛

洪恩 二首

洪恩字三懷上元人居長干寺有雪浪集

過安民卿秦淮寓

安期東澗至暫向白門居綠酒稱從事紅妝用較書舟
移淮水月饌出晉陵魚聞道西林勝能無一榻虛

中秋日問主人病

十日佳期踐山園半畝宮雨收殘暑盡月出大江空背
屏一亭竹當門幾樹桐我來憐病榻數問主人翁

德清 四首

德清字登印全椒人出家南京報恩寺尋入五
臺棲牢山坐効逮繫戍雷陽卒于曹溪有憨山
夢游東游等集

贈王德操

楚人疑鳳鳥仲尼愛麒麟豈不為世瑞所遇非所親耳

目素不接誰能辨其真之子抱奇思翩翩邈風塵迷方
日已衆微言難具陳撫膺發長歎衷曲誰爲信出關豈
慕遠邈世甘沉淪良由知者希所以稱至人

抵雷陽戍 二首

舊說雷陽道今過電白西萬山嵐氣合一錫瘴烟迷未
路隨蓬累殘生信馬蹄那堪深樹裏處處鷓鴣啼
萬壑奔流下千山積翠連帆飛五嶺驛後挂九秋天客
路浮雲外鄉心落日前吾生猶未定江漢是餘年

題画

風雨孤舟夜微茫草樹春茅簷驚犬吠定是渡江人

真可 一首

真可字達觀吳江人 一云句容 世號紫柏大師有茹退

集

詩話吾郡楞嚴寺建自宋嘉祐八年至嘉靖間為勢家所占紫柏特興
復之先從祖君升諱大猷經營規度象設皆冶銅為之佛書三藏易梵
夾為方冊鏤板貯之徑山流通宇內既而游大房石經山進隋僧淨琬
所藏佛舍利慈聖太后迎入宮中特賜紫伽黎俄而妖書獄起辭連入
詔獄死集中吳氏廢園作蓋即楞嚴寺其先叔祖中萬曆壬子舉人

吳氏廢園

汾陽門第晉風流縹緲吳山感勝游今日松蘿誰是主
斷雲殘月鎖江樓

通岸 一首

通岸字覺道南海人居光孝寺有栖雲菴集

曹溪雜詩

為愛溪山好無人祇自看萬峰青不斷三月雪猶寒乳
鹿藏深樹飛鳥過遠灘興來誰與晤長嘯碧雲端

法生 一首

法生字化儀崇德人少林寺僧後居徑山

寄雲東

十年滄海共離羣三月風塵信未聞芳草閉門春苒苒
落花啼鳥暮紛紛歲華江上看流水世事人間喻薄雲
鴈宕天台何處所采芝捫葛幸同君

傳慧 一首

傳慧字朗初寧波人居延慶寺

夜渡揚子

空江信淼茫月出水生光入浦潮如雨沾衣露欲霜天
清沙氣白夜靜解雲黃漸覺鐘聲動應知到上方

智觀 一首

智觀字止先號蔚然江都僧雪浪弟子居吳興
雙髻峰有中峰草

山居漫言

板屋黃茅爛棲禪已十春更無孤鶴伴且免衆狙嗔天
地寧私我谿山不假人四分僧律在吾自率吾真

大壑 二首

大壑字玄津杭州淨慈寺僧有吳詠

上方寺遲同游不至

湖光斜遶寺松影曲藏關
颿過烟中樹僧歸雨外山
井梧秋更老橋蘚晚逾斑
目極天涯盡扁舟不易還

孫谷

曲磴餘蒼蘚危梁度碧雲
山深溪屢合樹密徑斜分
佛火寒猶見僧鐘晝不聞
空留爭席處野老自為羣

通潤 一首

通潤字一雨吳人居常熟有秋水菴集

將歸簡三如學公

曉起春寒甚思君巖上廬
當門雪幾許倚杖興何如
不日理歸櫂無人傳別書
臨行重相憶先此寄雙魚

斯學 五首

斯學字悅支號庚山海鹽慈會寺僧有幻華集

詩話庚山詩格清圓句如薄衾寒入夢細雨遠沉鐘白雲非舊主黃葉自前朝客來黃葉雨鬼嘯白楊風太原山繞中條近小有天通上界寬均有幽致禪藻集載某居士稱之曰清水勵操栗玉明襟韻似道林不屑養馬才優無可不愛除官可云賞譽之至

雜詩 二首

落日迫西掩吐月銜東島
逝景故悠悠人世漫浩浩
所思耿中情憂愁怒如擣
宴會苦不常容顏徒自老子有
鼓與鐘勿伐亦勿考一委溝壑中
身名同腐草

披雲卧丘壑凌風稅籠樊
芳節忽已邁朱明照前軒
嘉樹滋以綠幽草萋以繁
丹藿耀庭戶黃鳥啼林園
俯聽石潭響仰視高崖暎
佳期託縣圃遐想踰崑崙
臨川有長歎冀與智者言

秋夜與羅吉甫同賦

夕露鳴蟋蟀秋風動楊柳嘉候苦不常芳華詎能久真境總會心萬理弗挂口寫此石上琴醉以山中酒

寄吳少君山人

知君好芳草荷芰半衣裳一別春山綠幾經秋葉黃海門生片月江寺送殘陽曾有天台夢相攜度石梁

邊城晚眺

獨上層樓望欲迷滿城砧杵更悲悽河流曲抱內黃北山勢遙連太白西落葉亂隨秋雨下斷鴻斜引夕陽低自來幽朔寒偏早繞樹啼烏未肯栖

智舩 十三首

智舩字葦如號秋潭秀水金明寺僧有黃葉菴

詩集

吳少君云舩公出語烟霞冰雪殆盡澈之流貫休齊已不數也李君實云葦如道歷叢林而不領眾不立侍者書記詩名滿天下而無專集日煨品字柴支折脚鐺咿唔黃葉堆中意古寒山拾得再來後身 陳仲醇云秋潭老人初居范蠡湖詩法清麗屏除一切流俗晚投黃葉菴人愈枯品愈澹讀其詩槁木寒灰之意隱隱見于筆端清真蒼老益臻妙境

題陳仲醇小崑山讀書臺

昨日入山來今日日出山去去來本無期眷此來時路白駒花下泉殘月松上露茲廬可息心丘壑有餘趣

鷓鴣居

不須太倉粟滿腹飽即休何必上林樹一枝倦且投却

笑叢薄間爭棲暮啾啾安知鵲有巢終焉居者鳩

寒山訪雪谷

寒山太湖東二月雪埋塢時有天耳師巢居類巢父春
秋未半百氣骨自高古清泉凍連底蹲石怒如虎此中
除梅花無物入巖戶

題破牕風雨圖

千山雲頭黑萬山雨脚白大風卷却屋上茅牀頭書卷
盡打濕幽人縮項破牕裏壁上蘚花長一尺若得溪流
直到牀釣竿插向枕頭石

人日感舊

去年人日游何處穆家池館寒梅樹今年人日勞夢思

穆家池館非舊時兀兀頽簷遙倚遍主人何日還相見
邨南邨北柳樹邊烟條弄影青苔面竹圍衡門池水寒
嗟君夙昔此盤桓而今細雨生春草縱有梅花若箇看
秋日元微邀集水亭同凡人分得憐字

葉落欲埋徑萍開為進船想懸孤錫處猶是小亭邊池
水幽相映芙蓉絕可憐晤言須竟日重至恐經年

秋日寄懷吳少君

不堪鴻鴈度寒雲猶是高林帶夕曛古路荒臺無過客
秋風落葉獨思君閒房草色經旬別遠寺鐘聲入夜聞
可道空山招隱處却憐野鶴在雞羣

送万同叔游天台

浦樹離離接遠天，片帆遙向赤城懸。
春風幾日滄江上，驛路千峰落月前。
水冷石梁窺洞壑，花深巖殿宿雲烟。
從君此去看霞色，猶是興公作賦年。

秋日山中

落木空殿深夕陽，下山徑澗戶松風寒。
獨夜鳴孤磬

野航

泛艇秋湖漁者稀，船頭船尾雪鷗飛。
偶然放到茅菴畔，載得白頭僧共歸。

題周服卿畫

兩岸芙蓉色競紅，蒹葭容易起秋風。
翠禽箇箇求魚食，分占枯荷瞰水中。

題寥雲閣

小閣主人豪興偏，日高不起夜不眠。
晚來倚醉理絃索，門前剛到賣花船。

題徐春門畫

山頭雲濕皆含雨，溪口泉香盡帶花。
此是天池穀雨候，松陰十里賣茶家。

以貞一首

以貞字純白海鹽人居資聖寺

七夕

空庭疎雨歇秋思，夜來多一葉初離樹。
雙星已渡河，月明花裊露。風動水曾波，乞巧人間事。
吾生奈拙何。

法衡 一首

法衡字秋巖海鹽人居天寧寺有竹西齋橐

聞鴈

嘹唳天邊鴈哀聲靜夜聞雨中孤夢斷空外數行分北
向歸沙漠南來渡楚雲人間有僧繳高舉莫離羣

法杲 二首

法杲字雪山吳人居華藏寺有雪山集

詩話雪山參學於雪浪與巢松一雨齊稱詩如鳥來迎戶入花發隔溪
看芳樹橋邊盡春山雨後新野黃潮撼樹江黑雨藏山均饒清韻有集
八卷一雨所輯王伯穀極
賞之謂為近代詩僧領袖

梁溪道中逢姚孟

十載俱漂泊驚逢落照前浮雲本無意芳草似相憐春

水連平野人家入遠天還乘明月色隨意放吳船

山居

深山別是一乾坤春谷烟濃樹樹昏正好看花立溪口
雨來催我進松門

欽義 一首

欽義字湛懷金壇人南京報恩寺僧

詩話周吉甫編長干三僧詩湛
懷與焉其二則雪浪慈山也

雨夜泊涇縣

水宿同鷗鷺平沙晚帶船山城寒漱浦溪雨暗蒸烟漁
火深秋樹河流淺暮天西風鄉思切千里獨依然

寬悅 一首

寬悅字臞鶴南京人居普德寺有堯山藏草

送歐楨伯工部

玩世藉微祿懷歸驗夙心一尊霜露冷三徑草堂深月
是初弦夜秋當欲暮陰蛩聲寒咽雨流入短長吟

如愚一首

如愚字蘊璞江夏人少為諸生負俗為僧居衡

山尋居金陵碧峰寺有飲河橐石頭菴集

春日龍潭菴對雨

苔蘚空門外烟蘿夾徑陰春流一澗急寒雨數峰深鳥
倦還山翼雲遲過客心望中燈火起人語出遙岑

弘灝一首

弘灝字空波鄞人傳慧弟子

屠田叔云空波詩爾雅而調適

詩話上人朗初學詩于楊伯翼侍几杖於五井山伯翼遺草得傳皆其方也朗初以詩法轉授空波及西來休遠時人以比支遁支亮支纖謂之一朗三支云

秋江晚歸

流覽山川幽意多渾忘落日挂藤蘿潮催客子還家權
風送漁舟入浦歌深樹煙披連翠幕遠峰雲在失青螺
臨行笑指芙蓉發明日還期倚杖過

佛引一首

佛引字西來鄞人

屠田叔云西來詩溫簡而開暢

晚晴寄空波空明休遠

前邨收薄靄舍外雨新晴竹鼠爭枝墜檐鳥得食鳴峰

開餘日氣水咽過灘聲芋熟沙田早連朝憶友生

· 圓復 二首

圓復字休遠鄞人

李杲堂云三友詩以休遠為第一此外又有萬詵希聲福亮覺真道東起白宏演敬中皆

延慶寺僧俱一時之秀

山中

榭葉縫衣翠松花作飾香全生無長物辛歲有餘糧觀
瀑衣忘溼緣流路轉長偶然逢怪石跌坐一林霜

留別念空

問水尋山各自忙草鞋無底踏秋霜江南游遍還江北
何日能來共竹房

廣印 一首

廣印字聞谷嘉善人居杭州開元寺

登毛公壇

黃屋辭仙闕玄關向此開驅雞何處去跨鶴幾時來殘
雪明丹井清霜肅古臺寒烟縹緲外一望一徘徊

廣潤 二首

廣潤字等慈吳興人居雲栖寺終老虞山之拂

水菴

晚泊南岸有懷吳允兆茅孝若客燕中

孤櫂倚江濱魚梁浦樹分北書曾未達南鴈最先聞碧
海生寒月空山冷暮雲不堪三徑遠何以慰離羣

蕪湖道中

江明分采石柳暗夾橫塘驟雨菱芡亂輕風禾黍香秋
聲催鴈鷺暝色下牛羊遠道人烟少偏令游子傷

如清 一首

如清字石浪城固人祝髮紫柏山尋居匡廬金
輪峰下有枯木吟

答客問小徒到家消息

瓢笠星霜三月周計程應到錦江頭縱教雨雪羈行李
不在嘉州在簡州

圓憲 一首

圓憲字心柏秀水天寧寺僧有青蓮居集

懷黃山吳仲玉

千里黃山別幾年冥鴻不見一書傳昨宵忽共殘燈藤
三十六峰青刺天

行志 一首

行志字 擇號復元湖州人有且止菴詩集 馮關

之云志公詩清真孤迥如倪元鎮畫

遠水疎林孤雲片石絕無酸餽氣

詩話志公少出紫柏之門而不相下居於南潯與馮開之朱文寧董遐

周尤仲弢輩結方外社遐周稱其口不談貴介筆不流凡近文寧至謂

字字作金光明色

譽之未免過實

吳江道中與陸叔度竝載晚至鷺脰湖別

斜日松陵道扁舟共汝還不期初握手旋復動離顏水
積猶餘岸雲多莫辨山宵來分寢處宛在激沙間

如觀 一首

日言總卷九十二
如觀字蘊虛海鹽人居雲岫寺有夢華幻住禪
餘等集

春日胡孝轅過崇福菴

肩輿人病足村路邈何長獨步入深院老梅生暗香霞
飛山欲暝風急蝶猶狂相送虎谿外悠然忘夕陽

如曉二首

如曉字萍踪蕭山人栖隱天台石梁下晚居湖
上往來嘉禾有萍踪道人巖艇草

天啓甲子朱廣原居士爲余構巖艇于湖上九月
落成以詩招之

心期慧遠山中社興發張融岸上船最好鯉魚風信後

東籬無雨菊花妍

春暮

雨過郊原遍落紅柳絲無力繫東風春陰何處栖雙燕
寂寞梨花小院中

本成一首

本成字在久蘇州慧慶寺僧有嬾雲詩藁

早行

木葉墮寒溪軒牕月已西客心驚吠犬茅店乍鳴雞漸
覺人烟動相看馬力齊霜華前路滑不住亂鴉啼

實訥五首

實訥字可南吳洞庭山人

傷朱雲從

別君三日前書來期我顧別君三日後書來是君計殷
殷易箒語一一見心素世事無了期頽陽易遲暮啼鳥
竟夜啼啞啞感行路梅花手自栽門前落無數

蝦蟆嶺

君不見蝦蟆嶺崔嵬橫截日無影特立太湖烟水中飛
鳥何曾至絕頂崩崖挂倒樹日久生莓苔飛瀑灑石壁
磴道鳴殷雷百步幾蟠曲去矣如復回蝦蟆嶺何年開
日見行人天上來

送燕

晚稻花香處西風送爾歸路長誰是主社遠漸無依故

壘殘烟斷虛檐落葉稀春來芳草遍莫忘舊柴扉

懷葛震父

虎峰言別後嬾與慢相兼已過探梅約翻因病酒淹孤
烟生石突飢雀下茅檐昨夜林中雪看山一卷簾

曉行

東林初日上羣壑開霽色樵夫先入山霜草見行迹

明一首

明字若昧廬山開先寺僧有空響集

堯山余氏溪上納涼

夏館苦煩熱策杖出東扉於焉臨曲澗趺坐憺忘歸嘉
木散清陰芳華揚素輝先秋蟪蛄吟薄暮鷓鴣飛情忘

境自適心寂理無違願言與同好丘壑長相依

明賢一首

明賢字履中常州人住鶴林寺有上方集

送僧歸梁溪

峰烟漠漠水雲低欲挂輕颿日已西江月照人人不住
隨風一夜到梁溪

圓信一首

圓信字雪庭更字雪嶠寧波人初住武康雙髻
峰後居徑山有語風橐

詩話雪公造詣淵微與天童悟禪師同為禹門法嗣天童以巾拂付弟子一十二人再傳登獅座者多至六百七十八人居士不與焉雪公終身不付一弟子手攜藤杖甚奇古或見之以為難得雪公笑曰小大魔王動以拄杖拂子付人十年之後此物不中打狗謂悟公暨通容也將

示寂坐高齋俛見擔糞者過其下呼至授以拂子曰拏去趕蒼蠅可謂獨立不懼者已其居徑山書亭柱云孤雲游此中萬山拜其下臨終偈云三間茅屋傍溪住兩扇竹牕關月眠均瀟灑有致早秋對雨之作尤覺出塵

早秋過朱子葵太守鶴洲草堂對雨分韻得飛字
方花礎潤晚涼歸隔浦蓮舟望漸稀林下自聞秋葉雨
燈前亦有草蟲飛巡檐半濕黃藤杖倚檻重添白苧衣
明發霽溪新水下前邨應沒舊魚磯

法藏二首

法藏字於密無錫人居嘗熟烏目峰有山居集

山居二首

覓得三峰好卜棲月涼松影到階齊山空萬籟由來寂
卧聽隔林啼竹雞

花落軍持入澗香寥寥淨域絕思量不知下界黃昏近
猶向西牕戀夕陽

海明一首

海明號破山四川人主嘉興東塔寺後入蜀有

破山語錄

詩話張獻忠殺人之多較黃巢百倍自甲申正月犯蜀陷重慶悉斷民
右手既破成都僭號大西改元大順授其義兒孫可望為偽平東將軍
監十九營李定國為偽安西將軍監十六營劉文秀為偽撫南將軍監
十五營艾能奇為偽定北將軍監二十營次年五月可望報一路殺男
子五千九百八十八萬女子九千五百萬定國報一路殺男子七千九
百餘萬女子八千八百餘萬文秀報一路殺男子九千九百六十餘萬
女子八千八百餘萬能奇報一路殺男子七千六百餘萬女子九千四
百餘萬此外各營分勦川南川北所殺之數及獻忠偽御營殺人數目
自有簿記之不與焉於是四川之民靡有孑遺迨屯營于西克鳳皇山
至自殺其卒日一二萬人初殺蜀卒蜀盡則楚楚盡乃殺共起之秦人
後令量之以度過不及者皆死駐西克時尚有兵一百三十萬逾兩月
剽刑宰割者過半矣相傳破山和上嘗勸賊帥李止殺賊帥以羊豕進

曰和上食此吾當封刀破山遂食之此破山之徒杖雪通醉載
之語錄者綴寇紀略謂勸獻忠誤也予友高念祖對予述之

別石車禪師

欲別難為別西林落月銜且飛千里雪聊挂一風帆草
引石梁屐花飛金粟巖浮雲本無著何處尺書緘

通發一首

通發字師遠內江人有山居草

再過永慶寺

山涌孤城外舟行一水前落花柔櫓撥斜日斷橋連丈
室依林住雙扉倚竹偏再來情不厭知是主人賢

大瓊三首

大瓊字石公雲棲寺僧有石公詩選

初出江口
孤嶼天際浮連檣霧中出秋容肅驚颺潮勢盪落日凭
欄舒遠眸推牕散餘帙未能冥至理且冀綜道術吾生
定有涯誰能困蓬蓽

別馥菴

偶裂塵網出因為汗漫游愛茲山水縣與子成淹留朝
看白雲起暮聽江水流有時還策杖臨壑復登丘茅屋
多真意動息無所求心期既歷落顧此忘百憂好風西
南來羽翰生素秋臨岐一揮手意氣凌滄洲君還坐巖
壑幸無生怨尤

詠史

興慶宮西花萼樓五王簫鼓晝同游曲江宰相千秋鑑
纔得開元二十秋

性琮一首

性琮字白法嘉興楞嚴寺僧有剩草

夜坐

新涼微月上雜坐小庭前莫更燒明燭飛蛾絕可憐

讀徹七首

讀徹字蒼霄呈貢人居蘇州楞伽之中峰有南
來堂臺

將游黃山留別友人

孤舟明日發再宿皎公房莫惜通宵坐懸知此別長草

花黏露重山色入春黃遙指丹臺月心期一片霜

再至崇川

地盡應臨海天寒欲授衣月隨秋水上人共夜潮歸一
犬無聊吠羣鷗自息機橋頭燈火裏猶記舊僧扉

自吳門之雲間

春雨夜淹淹春波幾尺添背花搖短櫓礙柳揭高簾三
兩家邨落一行書酒帘葦亭看不遠的的九螺尖

葑門化城菴留別社中諸友

相送了無意臨岐忽黯然回看吳苑樹獨上秣陵船春
老還山路江昏欲暮天白鷗休避我拍拍碧波圓

送朗癯入匡山

獨向匡廬去安禪第幾重九江黃葉寺五老白雲峰落
日啼蒼兕飛泉挂玉龍憑將歲寒意先報虎溪松

入林

入林不知深但覺衣裳冷新綠滿空山低頭不見影

雜詩

天氣秋晚晴坐看西山色前溪有故人草深行不得

契靈

二首

契靈字仲光號佛石蕭山人居杭州理安寺有

山居詩

山居

二首

屈曲山路長曾不見車馬鳥啼落日黃處處逢樵者

明言總卷九十二
懸崖老樹枯樵斧不敢割亂挂猢猻藤不知幾千尺

明澗 一首

明澗字道間成都人

落葉

臨高觀遠浦愛此水氣清一葉欲辭樹百葉相隨鳴不能同枯枝遂此幽禽情

明河 一首

明河字汰如南直隸通州人

絕句

二月山容醒林端別有香心知春尚早蜂蝶一齊忙

函可 七首

函可字祖心博羅人尚書韓文恪日纘子少爲

諸生忽棄家入羅浮江南旣下坐事戍瀋陽有

剩人詩

采菌

三五趁曉晴隨雲入澗壑志與枯槁遇榮茂非我樂顧視深草間異種紛相錯恐是蛇虺居根性乃獨惡擯棄稍不嚴美口成毒藥氣化豈有殊君子慎所託

偶感

遷客易爲感况兼秋有聲天風吹木葉一夜滿邊城是處堪腸斷無時免淚傾莫言感申旦未必盡鄉情

皇天

皇天何苦我猶存碎捨袈裟拭淚痕白鶴歸來還有觀
梅花斫盡不成邨人間早識空中電塞上難招嶺外魂
歎息舊游誰復在獨留雙眼哭高旻

弼臣病阻白門寄書竝詩次荅

驚傳一紙到遼陽舊國樓臺種白楊我友盡亡惟汝在
而師更苦復予傷孤舟卧老長干月破衲披殘大漠霜
共是異鄉生死隔西風吹淚不成行

同謙受枕上

枕邊不計程驛路如可記一樣夢還鄉多子五千里

送大來先生葬

覆土勿使厚種樹勿使密萬古與千秋長令見天日

春前一日

臘盡依然處海濱寒風破衲易相親山中新曆從人說
未必明朝便是春

成回一首

成回字霜華不知何許人示寂於越之顯聖寺
或曰崇禎癸未進士嘉善錢默不識也

雜感

本買深山與世違探書禹穴憶忘歸鐘沉古寺寒燈滅
雨過中林曉月微花裏子規愁客路船頭綠水賤征衣
六千君子風流盡空見春城柳絮飛

弘句一首

弘句字致言歛人雪嶠弟子

東溪過朱子蓉

門外秋瓜蔓垂垂過板橋東溪一夜水竈下有魚跳

通蘊 一首

通蘊字靈章阜亭山僧有巢枸集

寄周青士

作去聲詩賣米周青士白業還能精進無忽憶歲朝風雪

裏扁舟訪我到西湖

道源 四首

道源號石林太倉州人居吳北禪寺有寄巢詩

集 錢受之云寄巢之詩益簡也鱒魚也春餘之孤花睡夢之清磬也

詩話石林好讀儒書嘗類纂子史百家為小碎集又以餘力注李義山詩三卷其言曰詩人論少陵忠君愛國一飯不忘而目義山為浪子以其綺靡華豔極玉臺金樓之體而已第少陵之志直其詞危義山常南北水火中外箝結不得不紆曲其指誕謾其辭此風人小雅之遺推原其志義可以鼓吹少陵惜其書未刊行會吳江朱長孺箋義山詩多取其說間駁其非於是虞山詩家謂長孺陰掠其美且痛抑之長孺固長者未必有心效齊丘子也

早梅

萬樹寒無色南枝獨有花香聞流水處影落野人家雪後留雲淡籬邊待月斜牀頭看舊曆知欲換年華

寄黃新都子羽

入蜀七千里一官行路難鳴琴知訟寡薄賦喜民安閣道雲中見峨眉雪外看遠書貽藥物不減握中蘭

題徐巢友玄洲

聞之上古人不記寒暑來者問以年笑指花開處
湖邨晚興和陳確菴韻

芙蓉水面落殘紅尚有餘香逐岸風一片秋光描不得
翠禽時掠夕陽中

智觀二首

智觀字止先一字蔚然江都人有中峰草

山居二首

於世了無味戀茲湖上山萋萋芳草合寂寂小庭閑竹
筧分泉遠松林待鶴還閉門何不可誰耐日躋攀
新開百弓地已得曬袈裟朝暮狙公芋冬春鹿女花薄
寒風落木過雨海蒸霞堅卧從頭白何勞問歲華

廣化一首

廣化字無期嘉興人住持海鹽天寧寺有唾餘
集

晚次毘陵驛

城邊暮雨掩殘罽野店黃昏颭客燈風俗他鄉曾不辨
隔谿人指是毘陵

明懷一首

明懷字墨浪山陰雲門寺僧有寤言

雲門和王陽明先生壁間韻

偶入空巖遠扶筇趁鹿游為憐千嶂寂擬結一茅休漱
玉飛泉潤生雲抱石幽行吟溪上月清影逗林丘

明孟 二首

明孟字三宜雲門顯聖寺僧

北塘散步

北塘行數里漸遠入雲根酒旆綠楊渡漁罾黃鳥邨泉
流長繞樹山色盡當門荒豕歸牛馬沙隄日又昏

病中送魏冰叔還寧都

石罅秋棠一節紅主人新病客堂空送君歸度翠微嶺
早有梅花小雪中

智閻 一首

智閻字六雪江西瀛山寺僧有炊香堂文集

石澗

雪瀑交飛谷口喧石橋虎過漸黃昏瘦筇問我誰為伴
笑指攀崖下樹猿

無文 五首

無文字貞白崑山鵠林僧有鵠林草

呼德下云貞白死時年三十三

遺詩僅六十餘首語新體潔雅近中唐摘其佳句即皎然齊已何多遜焉

擬古

時俗好蔽美佩艾捐芳蘭天地一以閉賢者詎苟完白
壁獻楚人投棄身為殘伯牙失鍾子山水不復彈寥寥
千載間所歎知音難

聞雞

一聲天漸曉野外獨相親乍落城頭月旋飛馬足塵出

關仍有客起舞更無人舜跖分何易聞聲太息頻

將之潤州簡崑山諸子

囊攜贈什滿朋箋豈用臨岐更黯然瓦盞未謀前路食
草屨先乞故人錢江山半壁全輸我風雪何心亦上船
他日若吟懷友句定驚深壑老龍眠

送嬾雲師歸滇

一身初越死生關萬里惟憑白足還怕說雨昏江上寺
愁逢花發夢中山心摧故國浮雲外淚濕春風岐路間
瓢笠天涯誰念遠無窮哀怨不能刪

過胡白叟舊居

衡宇依然沒草萊已無吟叟杖蒼苔夕陽一片疎籬下

幾點寒花獨自開

照

影

三首

照影字指月吳江江楓菴僧有鏡齋詩草

安慶

南北稱方鎮江淮接鼓鼙濤奔皖口急山壓土城低遠
戍生煙少飛帆入暮齊欲尋公瑾墓日落大龍西

聞角

哀角聲何切寥寥此夜長可憐南浦月更下北庭霜漸
起棲鴉翼應迴斷鴈行愁人難及曉一望海雲荒

蘭舟渡

蘭舟古渡已茫然雲外山橫百瀆煙留得龍堂鐘磬響

寺門長泊洞庭船

道盛一首

道盛字覺浪閩人住金陵天界寺

詩話浪公早登祝座聲動楚越之交白蓮之社不少宗雷青豆之房恒多龍象詩如清明微雨後花鳥亂飛時苦竹長遮徑高松自護關足稱天籟清機也

浴龍池

枕流漱石亦何心
苻帶蘋花何處尋
夜靜月明風在樹
坐聞泓下有龍吟

明詩綜卷第九十二

明詩綜卷九十三

女冠 尼

小長蘆 朱蘇尊 錄

於越 王錫 緝評

靜志居詩話女冠盛于唐楊太真以開元二十三年既冊為壽王妃尋度為女道士敕曰壽王瑁妃楊氏素以端懿作嬪藩國雖居榮貴每事精修屬太后忌辰永懷追福以茲求度雅志難違用敦弘道之風特遂由衷之請唐會要公主度為女道士者一十四人金仙玉真萬安楚國華陽漢陽潯陽平恩邵陽永嘉永安義寧義昌安康下而宮人入道朝士輒為賦詩花間尊前詞客無不倚聲填女冠子小令蓋風尚則爾然自李冶無玄機外女冠之能詩者寡由宋以降益復寥寥元有宮人王金蓮暉為道士提點昭應宮卒贈湘靜元素真人素稱為之草制此僅事也至於象教東流比丘比丘尼當一時俱集矣而尼至晉建興中始有之莊嚴寺僧寶唱撰比丘尼傳以洛陽竹林寺尼淨檢稱首焉宋有妙總為蘇魏公頌孫又温州淨居妙道禪師係黃公裳女竝有法語見傳燈錄明正統中有呂姑諫阻裕陵北征復辟後為建順天保明寺都人目為皇姑寺者是已顧終明之世禪學頗盛而尼之著作無聞迨天啓崇禎之季始有付中拂立禪林者因合女冠為一卷

羅素月 一首

明詩綜卷九十三

素月惠州羅浮山女道士

梅花邨

麻姑仙窟鮑姑山鳳子翻飛遠嶠還玉女峰頭人冷笑
杜蘭香去嫁人間

吳靜婉 一首

靜婉金壇人蘇州木瀆女道士

別思

西菴雨未收東嶮風又作留住綠蓑衣莫與篙師著

行徹 一首

行徹字繼總衡州人劉善長之女嫁陳氏子而
寡中歲出家為僧通微弟子住嘉興福國禪院

有語錄

詩話繼總偈語多近詩者如山居云野猿採果熟巢鳥入林深送人云
晚食蕁絲滑秋衣薛荔輕落葉云秋聲千葉墜遠影一巢孤均有郊島
骨風

秋日懷母

不見慈闈秋信來籬邊黃菊帶霜開為憐消息無人寄
一日峰頭望幾回

行剛 一首

行剛號祇園嘉興人處士胡日華女嫁諸生常
公振未暮而寡中歲出家為僧通乘弟子住嘉
興梅會里伏獅院有語錄

詩話石車乘禪師以如意付祇園此崇禎丁丑年事先伯祖母趙淑人
嘗師事祇園疑義必質故余少日曾見之威儀醇樸母論空門行業即

以節婦論亦宜存其片言以當鳳樓新誠也淑人崇禎間兩朝中宮周后語宮人云朝中命婦率簾簾成施薄福之相維刑部朱侍郎妻莊嚴婉麗稱此象服爾

孟夏關中詠

百結鶉衣倒挂肩
飢來喫飯倦時眠
蒲團穩坐渾忘世
一任塵中歲月遷

神一 一首

神一初名淑吉字美南姓夏氏考功允彞女也歸侯洵二十而寡遂削髮為尼更今名改字荆隱有龍隱遺橐

悼亡

蕭蕭鑿玄夜
幽室生微涼
眷言念君子
沉痛迫中腸
音

徽日以杳翰墨猶芬芳
靈帷空蕭條齋奠真荒唐
舉聲百憂集泣涕不成章

詩話詩不期工一
真擊足以傳矣

明詩綜卷九十三

明詩綜卷九十四

土司

小長蘆 朱彝尊 錄

從孫 丕戴 緝評

靜志居詩話土司之目自古無之禹貢三百里蠻書旅獒周官職方氏記明堂位稱八蠻爾雅稱六蠻其種曰黎曰玃曰狢曰獠曰猺曰獯各有大姓為之雄長明制仿元舊典分設官吏立宣慰招討安撫長官司初隸驗封後以其半隸武選嘉靖中申明舊典隸驗封者布政司領之隸武選者都指揮使領之文武相維羈縻有術雖間有不靖旋即削平歲澤霑濡久而漸知嚮學若黔之宋氏昆友滇之木氏祖孫各著詩文媲美風雅昔章宗見禿髮僭檀歎曰奇才英器不必華夏明智敏識不必讀書九州之外五經之表復自有人錄土司之詩明之聲教遠矣

宋 昂 一首

昂字從頰號省齋襲貴州宣慰使與弟昱有聯

芳類彙 謝少安云宋氏所領部下多漢人易馴服凡里甲在官及儒學弟子員皆其民也 毛大可云貴州蠻種不一有宋

家蔡家相傳春秋時楚子俘宋蔡二國人而放之南疆遂為蠻

詩話洪邊宋家其先鎮州人遠祖景陽開寶間官節度使平定西蠻詔就大萬落樂開總管府俾鎮其地歷十有四世曰阿蠻仕元官至昭毅大將軍靖江路總管佩三珠金虎符階榮祿大夫平章政事柱國順元侯贈貴國公諡忠宣又三世曰欽洪武初內附授懷遠將軍世襲宣慰使按貴州苗民五十一部安氏領四十九部長曰頭目宋氏領十二部長曰馬頭昂昱兄弟俱能文昂詩有云采藥難尋蓬島路垂綸却憶鑑湖船疎砧殘月孤村夕衰草斜陽兩岸秋風靜洞庭高浪遠月明揚子暮潮寒昱詩有云野戍清秋聞鼓角烟村日出露松杉數聲啼鳥憑欹枕滿地斜陽深閉門卧聽笙歌來別岸起看鷗鳥浴前汀墳篋迭奏風韻翩翩試掩姓氏誦之以雅以南莫辨其出于昧任侏離也

送趙遜敏東歸

琴鶴先生樂自然故山歸去白雲邊門前柳憶陶元亮
洞口人迎葛稚川行色蒼茫林影外離情蕭索酒杯前
欲知別後相思意疎柳寒梅鎖暮烟

宋 昱 一首

昱字如晦號宜菴昂之弟

送汪公子還嘉禾

城上棲烏下女牆城邊行客醉壺觴一尊風雨秋蕭颯
千里關河路渺茫鄉夢已隨雲去遠離情空與日添長
憑誰為報南湖遠早晚還來理釣航

木公恕 五首

公恕字恕卿笮人先本麥氏洪武中歸附賜姓

世襲麗江知府有雪山始音萬松吟卷

錢受之云恕卿嘗以

詩求正張愈光楊用修希風附響自比于長卿之盛覽國家聲教四訖嘉萬之間酉陽水西諸土官靡不戶誦詩書人懷鉛槧而恕卿實為之前茅且以忠順自勵世廟親灑宸翰有輯寧邊境之褒可謂豪傑之士非漢代白狼槃木之比
詩話恕卿詔年讓爵隱於玉龍山南亭曰翠雪塢曰丹霞堂曰一鏡種桃藝竹環以山松又起迎仙之樓日以吟詠為事中年將兵却敵功在邊隅永陵有御書之褒於時貴竹二宋未之或先張禹山稱其朗潤清越李中溪謂其得樂府音節楊升菴許其體句俱新寫景入繪諸公之

賞音
若是

江邨

江上層雲合邨邨結暮陰漁燈半明滅風雨葦花深

病起

臨曉新梳髮呼兒卷幔紗平生行樂慣病起即看花

飲春會

官家春會與民同土釀鵝竿節節通一匝蘆笙吹未斷
蹋歌起舞月明中

春游即事

綫絨緩拽紅鞦臚叱撥頻嘶綠巷深踏柳穿花還未遍
夕陽又抹樹頭金

種柳

雙楊初種幾經春始見長條已拂塵萬里綠陰堪作幃
一枝不許贈行人

木青一首

青號松鶴又號長春公恕曾孫卒贈中憲大夫

有玉水清音

錢受之云松鶴能詩善書如輕雲不障千秋雪曲檻偏宜半畝荷含烟翠篠供詩瘦啄麥黃雞佐酒

肥皆中土詩句也

詩話松鶴詩不及曾祖而勝其子增增篇什雖倍然非牧齋所云中土詩也

移石草亭

萬松深窈處獨構此茅廬斲地移新竹通泉溜小渠琴
書常作侶木石與為居笑殺求名者磻溪一老漁

明詩綜卷九十四

